

我今連夜不成眠。閱報苦纏綿。高聲朗氣讀破咽。口渴飲流泉。悟眞理。誦訓言。最喜諷青年。天道救世更情恬。興我詞編。

雪花六出

沈大蔭

預卜豐年兆。今宵降雪花。三分迷野徑。六出滿田家。

眞光吟

沈大蔭

要得出人頭。還須自己求。心田能不昧。幅地又何愁。陽德栽培廣。陰功切實修。頻觀眞光報。定可步岑樓。

傷時嘆

前人

荆天棘地欲何之。况是搖搖風雨時。高舉爪鷹思攫食。倉皇蹇兔畏穿籬。

耕夫得粟猶憂餒。詐僮何心競走私。已恨強隣施狡黠。綠何南北仍爭持。

貂蟬

前人

救國機緣屬美人。司徒心力亦艱辛。威儀亭上鍾情處。兒女心腸一樣眞。

貴縣懷陳景華

涂景元

昔年強項共知名。止亂善能用重刑。爛熟口碑三不問。斬身批讀一言成。奈何革命無餘種。私幸孤兒有救星。花地善門同喊賊。九

原園起顯威靈

步前題原韻

謝培恩

至今精肅震威名。禮既難齊齊以刑。三不問時黑幕揭。一含笑裏硃批成。猛除惡匪炎如日。救護孤兒燦若星。月日千秋無定論。深懷獨仰天之靈。

元日

涂景元於貴縣糖廠

一片連環爆竹鳴。雲爲前線後援聲。人無秦越皆宵朔。婦有胚胎便報丁。漸見肇端回浩劫。不妨初步復長城。兒童竹馬相嬉戲。羅泊灣頭正閱兵。

步前題原韻

謝培恩

怒風何故不平鳴。爆竹依稀作應聲。抗戰正酣忘易易。結婚佳話說添丁。生機轉暢欣隨地。策略更新決背城。雖是他鄉逃難客。詩場陣裏不休兵。

答贈老友次原韻

沙玉幹

而今時事感滄桑。天下紛紛亂未遑。惟一半康循古道。願君去嗜就眞光。

偶成

前人

頻年歲月苦消磨。往事追思感慨多。緣信耶穌感轉樂。我雖自幸亦憐他。

山遊

前人